

64601

通山縣志

卷壹

地 260.113
38
31~2

對
壹

59153132

6013

同治六年

通山縣志

心田局重修

通山縣志序

太史公游天下名山大川龍門之紀
 載多奇氣固由得天獨厚抑亦
 扶輿之磅礴鬱鬱積使然也况通山
 為巖巒秀特之鄉益當有魏偉
 雄奇之著作作震往古而鏗來今所
 懼地經兵燹獻闕文殘非補苴而

通山縣志

卷首

心田局


掇拾之不足以維持風化也羅君攝
 篆斯邑延董設局首以修輯志
 書為急務計凡閱三年書成繕稿
 寄予既深喜有合於作史之三長并
 恪遵

一統志之體例真志書中之南董也非
 賢有司虛心延訪與都人士合力贊

勲能如是乎予合而觀之古今之沿革在其中堡塞之險隘在其中物土之豐瘠在其中而且志政務興養也志學校興教也志秩官尊名分也志選舉示顯榮也至若兵興以來忠孝節義日月爭先上以酬食毛踐土之恩下以媿泮泗依阿之俗是

尤當表揚而激勵之者此鄉賢烈女之所由備錄也若夫詩歌記序則藝文詳之矣災祥仙釋則餘事賅之矣以視萬曆九年初修之志與康熙四年繼修之志有過之無不及也是宜急付剞劂氏以觀其成同治六年歲在丁卯秋八月知武

昌府事黃昌輔謹序



通山縣志

卷首

序

三

叙

省府邑志與

國史相表裏者也黑子彈丸與都會相綱
紀者也豐功偉績嘉言善行忠臣孝
子節烈之婦女與廬墓里閭相焜燿
者也古稱三不朽代不過數人人不
過數事非壽之以文著載志乘則陵
谷變遷風雲流散且與草木同腐滅

通山縣志

卷首

志田局

烏在不朽孔子云十室之邑必有忠
信三人同行厥惟我師其不信矣乎
同治三年 厲方伯伯符飭州縣修
輯志書嗣 唐蔭雲 何小宋兩方
伯檄催益亟通山縣志自康熙四年
續修後二百餘年迄未議及前縣潘
仲美大令奉檄於同治四年七月邀
約紳首立局纂修瀛於五年三月接

事見在局諸君殫精萃神旁搜博採
至六年七月志書草底成計十卷繕
呈 府憲黃虎卿都轉鑒定并撰叙
文發縣錢梓有日矣局中諸君復請
附文於 府憲叙文之後瀛維通山
在武郡最小然密通江湖踞萬峰間
大得山水潯峙之助名勝星羅者碩
英傑先後相望但二百年来邑志闕

通山縣志

卷首


序

二 心田局

如近遭兵燹忠義節烈簡不勝書前
此之人物故實或傳或不傳欲一一
追溯而故家遺老零落盡矣新志既
成紀載略具異日應行補入續修之
虞此其先資若夫志書之妥善則
府憲弁言備矣謹識脩志之顛末如
此

同治六年八月二十八日

誥授朝議大夫運同銜補用州調補黃岡
縣知通山縣事羅登瀛謹序



通山縣志

卷首 序

三 心馬局

序

省郡邑之有志與

國之有史同所以表揚德行激厲風俗使人有所感發而興起非徒紀形勝誇顯榮與誌文藝之末也通邑舊志年久失修咸豐甲寅歲更燬於兵火賊平後

上憲檄飭纂輯潘令尹倡修之羅令尹繼編之在城總理首士陳書紱夏承志樂純

通山縣志

卷首 序

心書局

青程立德等董其成各鄉分查首士王恢治徐體乾焦炳麟等司其事凡忠臣孝子義夫節婦之行誼無不編訪而備載之雖年湮代遠或有埋沒不彰者然以局首五十年餘人參訂至四年之久其心力已竭矣而總局諸君子為更有勞焉余不才忝列史官旋為外吏六年冬調署斯土喜此書編次已就且體例文辭井然有條不紊洵可信今

傳後為一邑之信史也余惟加以校勘而已復
何力之有哉邑人士不以固陋見鄙索序於
余因統述修志之原委綴數言以附諸左
同治七年歲次戊辰孟夏月署通山縣事前
翰林院庶吉士 國史館協修西江胡昌銘
撰並書



通山縣志

卷首

序

心田

初修縣志序

明賜進士出身翰林院庶吉士吏科給事中
廣西主考官邑人舒宏緒崇孝甫撰
通山居楚鄂東偏介在山谿蓋巖邑也邑
沿顛末省典圖可攷不具論邑志久湮稽
往事者靡所據其附下雉郡紀者少概見
弗能詳人人稱是典也闕萬厯辛巳冬蜀
張公九岡尹茲土厯四餘稔務根絕華懷
懷有德讓風政寬而勵諸廢悉舉邑爲易
觀事事餘閒念邑志獨闕乃命搜故實參

通山縣志

卷首

初修縣志序

心田局

傳聞旁羅編摩不閱月而就爰付之梓嗟
夫公之志塵哉夫古列國有史今郡縣有
志志非一邑之史歟是安可弗修雖然修
何容易余覽是編首地輿終藝文其間各
分類而紀循次而載綱維縷析爛然有條
一邑之事開卷若指諸掌蓋其詳哉然人
治紀賢否人物紀淑慝厥繫尤有當重云
嘗耳剽遺考言國初守令師師不及覩記
近百年以來治行卓犖矩模懋著者不數
人厯厯可指鄉士大夫庶人刻心雅行履

方砥節以自表樹者亦不數得間有深情
隱匿希聲采譽之徒終莫售欺於世他如
物類盛衰世故得失往往言之有徵則又
竊念人心固各有志何必紀載之女志之
所重大畧可觀矣修何容易哉存實錄以
明是非昭勸戒甯獨記事書也直且核乃
爲信志乃可傳使後之守令若屬謂某賢
具傳某僅存姓氏邑人則謂某心迹不可
得私且泯能以慮惕無以耳食庶不曠貴
不窳行是典也尚亦重哉不然則無爲貴

通山縣志

卷首

初修縣志序

二

志田局

志矣余不佞以公索余言引其端輒附其
臆說若此若公之善政則後自有紀之者
茲且不悉具云

初修縣志敘

明鄉進士授奉直大夫任雲南霑益州知州
進階朝列大夫邑人姜時棠龍崖甫撰
國家分建郡邑邑必有志凡輿圖之式廓
山川之形勝民生之休戚風俗之美惡政
事之得失文獻之隆替咸徵諸志志豈易
言哉通舊無志嘉靖間邑少宗伯兩崖先
生嘗一修之未及就梓今數十年來竟成
缺典萬厯辛巳冬邑侯張九岡來通凡五
稔自惟通志未修嘗嘆曰今邑里世家傳

通山縣志

卷首

初修縣志序

心田局

祿繁衍其子孫猶能述其家世狀蹟爲之
譜記以無忘其本始矧巍巍一邑幅員百
里比於古之侯國獨可無志以掌記時事
用彰實錄於茲邑哉於是禮聘崇邑庠士
某爰集吾邑國子生邑諸生某等纂彙之
侯則日臨局諮諏商確乃通告於邑之鄉
大夫士曰予不敏所爲成是書者自通邑
公典非予一人之私也棠聞之曰侯不自
居其美者侯之厚也雖然侯惡乎辭哉輿
地之甯謐也山川之奠位也民生之康阜

也風俗之醇樸也政事之修舉也文獻之
並隆也皆侯之美也侯惡乎辭哉人之侯
書來屬予爲之敘予義不敢辭竊謂志非
難志而信今傳後爲難斯志也取材於良
牧採輯於諸賢錯綜往蹟彙括不遺此可
以信而傳矣昔張橫渠爲著作郎歷陞太
常禮院侯所著通志傳之世世其功在邑
乘者豈減橫渠先生哉於是乎敘

通山縣志

卷首

初修縣志序

二

心田局

次修縣志敘

今夫億萬斯年以後之人猶得知億萬斯年以前之事者恃有所紀載也一代之紀載莫備於史而一代之史又採輯於列國郡邑之書而後成此裨官野史之論固編年紀事者所必資也是故一邑之志一邑之書也而不僅爲一邑之書集天下之邑之志合諸

朝廷之起居與百官之治蹟斯足以成一代之史矣志不與史相表裏哉麟不敏幸而

通山縣志

卷首

次修縣志序

心田局

生逢其盛不至爲

聖世之棄人於順治辛丑春三月奉

命宰通迄於今五稔矣兢々焉飲冰茹蘖期以無負通民者上報

天子卽當軍需旁午之際未嘗不爲通邑計缺畧謀廢墜也殫思竭力夙夜不遑庶幾與薦紳士庶慶諸務之畢舉矣然獨取邑之前志讀宋元之間尙有傳事有傳人惟明萬歷丙戌而後暨

國朝今日約畧計之八十餘年其間事蹟缺

焉無紀不禁喟然嘆曰麟於通邑之風俗
民情固可謂識之深且熟矣試有問麟以
邑之在事者則不能全舉以對謂非守土
之羞乎屢欲博謀而纂輯之緣以連年供
億未遑著述故徒勒諸心而未逮也適奉
上臺編輯全楚志書移文到邑則昔之勒諸
心而未逮者今可藉茲而勉遂矣由是虛
心延攬購求遺聞以備考核蓋重其事也
維時得鄉先生前廣西平樂令郭公原江
南桃源令朱公皆一時博雅名儒率學中

通山縣志

卷首

次修縣志序

二

心由局

積學生數人集古洞淵觀殫心朝夕逐事
求詳歷年稽究仍遍訪山林野老故家遺
獻互相考証期於弗謬閱兩旬書成付之
剞劂所謂甯簡弗繁甯信弗疑示可傳之
億萬斯年後之人而不誣也麟將是書呈
之 郡長達之 方伯進之 臺輔獻之
朝廷則無徒曰一邑之書也或可採而爲天
下後 世書云

皇清康熙乙巳歲孟冬月文林郎知通山縣事
四川保甯府蒼溪縣任鍾麟謹識

次修縣志跋

縣志成將授梓邑侯任公以敘屬夢道夢道曰志已累千萬言矣奚容贅桃源朱公暨諸文學僉曰志以紀事言以達志是未可默默已也乃賚曰昔者省方問俗採風陳言自薦紳學士及芻蕘工瞽皆各得抒其耳目所見聞者以上達於天子卽裨官里語野史方言亦與金匱石室之藏並重良有以也今

國運宏開人文丕振傲古周禮職方氏掌四

通山縣志

卷首

次修縣志跋

心田局

方之志邑統於郡郡統於省省通於

盛京一統之志具四方之政行焉通雖僻隸

在附庸未易缺也廼摺撫往牒增益新裁

得若干卷語山川建設則形勢規制按圖

可索語士習民風則詩禮敦龐餘韻猶存

語人物土宜則典型植產屈指可數至戶

口版章糧餉賦稅效晉天之誼佐軍國之

需者確有成憲而良有司又以撫字催科

通之急公趨事視神州赤縣無以異也不

班班可考哉其餘有關而未詳者無徵不